

## 15 Бурханы хот

<sup>1</sup>Тэр надад Бурханы болон Хурганы сэнтийнээс гарах талст мэт гялалзсан амийн усны голыг үзүүлсэн нь <sup>2</sup>гудамжных нь төвд байв. Голын хоёр талд арван хоёр төрлийн үр жимс ургуулан, сар бүр үр жимсээ боловсруулж буй амийн мод байлаа. Тэр модны навчис нь үндэстнүүдийг эдгээхийн тулд байв. <sup>3</sup>Тэнд цаашид ямар ч хараал байхгүй болно. Мөн Бурхан ба Хурганы сэнтий түүний дотор байж, боолууд нь Түүнд үйлчилнэ. <sup>4</sup>Тэд Түүний царайг харна. Мөн Түүний нэр тэдний духан дээр байх болно. <sup>5</sup>Тэнд цаашид шөнө болохгүй. Эзэн Бурхан тэднийг гийгүүлэх учраас тэдэнд дэнлүүний гэрэл ч, нарны гэрэл ч хэрэггүй болно. Учир нь Эзэн Бурхан тэднийг гийгүүлнэ. Тэгээд тэд үеийн үед хаанчлах болно. <sup>6</sup>Тэр надад -Эдгээр үгс нь итгэмжит бөгөөд үнэн. Эш үзүүлэгчдийн сүнсний Бурхан Эзэн удахгүй болох ёстой зүйлсийг Өөрийн зарц нартаа үзүүлэхийн тулд тэнгэр элчээ илгээв. ( Илчлэлт 22:1-6 АБ 2004)

[ ] Таны эцсийн зогсоол бол Бурханы хот гэдэгт та итгэдэг үү?

[ ] Та энэ газарт хүрсэн байхын тулд хэрхэн бэлэн байхаа мэддэг үү?

### 15.1 Бурханы хаанчлал нь: (Сургаалт зүйрлэл) Матай13

<sup>1</sup>Тэр өдөр Есүс гэрээс гарч, нуурын эрэг дээр сууж байлаа. <sup>2</sup>Түүн дээр асар олон хүн хуран цугласан тул Тэр завин дээр гарч суужээ. Хурсан олон цөмөөрөө эрэг дээр зогсож байлаа.

<sup>3</sup>Есүс тэдэнд олон зүйлийг сургаалт зүйрлэлээр айлдруун - Харагтун. Тариачин үр суулгахаар гарчээ. <sup>4</sup>Түүнийг үрээ цацахад зарим үр нь замын хавиар унасанд шувууд ирээд идчихлээ. <sup>5</sup>Зарим нь чулуурхаг газар унаж, хөрс нь гүн биш тул тэр дороо соёолов. <sup>6</sup>Гэвч нар гарахад үндэсгүй учир тэд хорчийн хатжээ. <sup>7</sup>Зарим нь хогийн ургамлын дунд унав. Хогийн ургамал ургаж тэднийг барьчихаж.

<sup>8</sup>Зарим нь сайн хөрсөнд унаж ургаад, ургацаа өгөхөд зарим нь зуу, зарим нь жар, зарим нь гуч дахин их болов. <sup>9</sup>Сонсох чихтэй нь сонсогтун гэв. ( Матай 13:1-9 АБ 2004)

[ ] Бурханы үгийг сонсоход ингэж тохиолддог уу ?

[ ] Та 100 дахин ихийг хураахыг хүсэж байна уу?

[ ] Ингэхийн тулд яах ёстойг та мэдэх үү?

### 15.2 Сургаалт зүйрлэл ба эш үзүүлэгийн зорилго

<sup>10</sup>Шавь нар нь Түүн уруу ирж, -Та яагаад тэдэнд сургаалт зүйрлэлээр ярьдаг юм бэ? гэхэд <sup>11</sup>Тэр -Тэнгэрийн хаанчлалын нууцуудыг мэдэх нь та нарт өгөгдсөн юм. Харин тэдэнд өгөгдөөгүй. <sup>12</sup>Учир нь хэнд байна, түүнд ихээр өгөгдөж, элбэг дэлбэг байх болно. Харин хэнд байхгүй байна, түүнд байгаа нь хүртэл түүнээс авагдана. <sup>13</sup>Тэд харавч хардаггүй, сонсовч сонсдоггүй бөгөөд ойлгодог ч үгүй учир Би тэдэнд сургаалт зүйрлэлээр ярьдаг. <sup>14</sup>Гийм хүмүүс дээр Исаиагийн эш үзүүлэг биелдэг юм. Юу гэвэл тэр “Та нар сонсоор, сонсоор байтал огт ухаарахгүй, харсаар, харсаар байтал огт ойлгохгүй.

<sup>15</sup>Учир нь энэ ард түмний зүрх нь хатуурч, чихээрээ дөнгөж сонсон, нүдээ аньжээ. “Эс бөгөөс тэд нүдээрээ харж, чихээрээ сонсож, зүрхээрээ ухаарч, эргэж буцах байсан бөгөөд Би тэднийг эдгээх байсан” гэсэн байдаг” <sup>16</sup>Харин та нарын нүд хардаг тул нүд чинь, та нарын чих сонсогч тул чих чинь ерөөлтэй еэ. <sup>17</sup>Үнэнээр Би та нарт хэлье. Та нарын харж байгааг олон эш үзүүлэгч, зөвт хүмүүс харахыг хүссэн авч хараагүй, сонсож байгааг тань сонсохыг хүссэн авч сонсоогүй юм. ( Матай 13:10-17 АБ 2004)

[ ] Танд сонсох чих, харах нүд, цөлд байхдаа израильчуудынх шиг хатуурсан биш ойлгох зүрх байна уу?

### 15.3 Сургаалт зүйрлэл ба эш үзүүлэглэгүүд

<sup>34</sup>Есүс хурсан олонд сургаалт зүйрлэлээр энэ бүхнийг айлдсан бөгөөд сургаалт зүйрлэлгүйгээр юу ч ярьсангүй. <sup>35</sup>Энэ нь эш үзүүлэгчээр хэлүүлсэн нь биелэгдэхийн тулд байсан бөгөөд ингэхдээ “Би сургаалт зүйрлэлээр ам нээнэ. Би дэлхийн сууриас эхлэн нууцлагдсан зүйлсийг хэлэх болно” ( Матай 13:34-35 АБ 2004)

[ ] Хаанчлалын нууц танд тодорхой байна уу?

#### 15.4 Тариачны тухай сургаалт зүйрлэлийн тайлал

<sup>18</sup>Тиймээс тариачны сургаалт зүйрлэл ямар утгатай болохыг сонсогтун. <sup>19</sup>Хэн нэг нь хаанчлалын тухай үгийг сонссон авч үл ойлговол хорон нэгэн нь ирж, түүний зүрхэнд юу суулгагдсаныг булаан авдаг байна. Энэ нь зам хавиар унагсад юм. <sup>20</sup>Чулуурхаг газар унасан нь үгийг сонсоод тэр даруйдаа баяртайгаар хүлээн авч, <sup>21</sup>харин өөрт нь бат үндэс байхгүй тул түр зуур байдаг аж. Үгнээс болж хавчлага, эсвэл зовлон тохиолдоход тэр дороо л унадаг. <sup>22</sup>Хогийн ургамлын дунд унасан нь үгийг сонсдог. Харин дэлхийн зовнил болоод эд баялгийн хуурамч байдал нь үгийг шахан зайлуулахад энэ нь үр жимсгүй болдог. <sup>23</sup>Сайн хөрсөнд унасан нь үгийг сонсдог ба ойлгодог нэгэн байх бөгөөд тэр нь үнэхээр үр жимс гаргадаг. Зарим нь зуу, зарим нь жар, зарим нь гуч дахинг авчрах болно гэж айлдав.

[ ] Та тэрхүү хаанчлалын тухай үгийг сонсож, ойлгож, сахидаг уу?

[ ] Та хорон муу нэгэнүүдийг бодолдоо оруулж байна уу?

[ ] Та тэрхүү үгийг няцаадаг уу?

#### 15.5 Буудай ба зэрлэг өвсний тухай сургаалт зүйрлэл

<sup>24</sup>Есүс тэдэнд өөр сургаалт зүйрлэл айлдруун -Тэнгэрийн хаанчлалыг талбайдаа сайн үр тарьсан хүнтэй зүйрлэж болох юм. <sup>25</sup>Хүмүүсийг унтаж байхад нь түүний дайсан ирж, буудайн дунд зэрлэг өвс тарьчихаад яваад өгчээ. <sup>26</sup>Түрүү цухуйж үр тариа боловсроход, зэрлэг өвс ч бас илт болов. <sup>27</sup>Гэрийн эзэн дээр боолууд нь ирж, түүнд “Эзэнтэн, та чинь талбайдаа сайн үр тариагүй бил үү? Гэтэл зэрлэг өвс хаанаас гарчихдаг билээ?” гэхэд <sup>28</sup>эзэн нь тэдэнд “Дайсан үүнийг хийжээ” гэв. Боолууд нь “Тэгвэл бид явж тэдгээрийг зулгааж овоолохыг та хүсээ юү?” гэсэнд <sup>29</sup>тэр “Хэрэггүй, та нар зэрлэг өвс зулгаах гээд буудайг хамтад нь зулгаачихаж магад. <sup>30</sup>Ургац хураатал хамтдаа ургаг. Ургац хураах цагт би хадах хүмүүстээ “Эхлээд зэрлэг өвсийг зулгааж, боогоод шатаахад бэлэн болго. Харин буудайг цуглуулж амбаарт хийцгээ” гэж хэлнэ” гэв. ( Матай 13:24-30 АБ 2004)

[ ] Та эргэн тойрныхоо хүмүүсийг таньдаг уу? Та тэдний хувь заяаг мэдэх үү? Та тэднийг удирдан дагуулж байна уу?

### 15.6 Нууцлагдсан эрдэнэсийн тухай сургаалт зүйрлэл

<sup>44</sup>Тэнгэрийн хаанчлал бол талбайд нуусан эрдэнэ лугаа адил юм. Түүнийг хүн олоод нууж, баярласандаа явж, өөрт байгаа бүхнээ зараад, тэрхүү талбайг худалдан авна. ( Матай 13:44 АБ 2004)

[ ] Танд харах нүд байна уу?

[ ] Та тэрхүү эрдэнэсийг олсон уу?

### 15.7 Зэрлэг өвсний тухай сургаалтын зүйрлэлий тайлал

<sup>36</sup>Есүс хурсан олныг орхин, гэрт оров. Шавь нар нь Түүн дээр ирээд,  
-Тариан талбай дахь зэрлэг өвсний тухай сургаалт зүйрлэлийг бидэнд тайлбарлаж өгөөч гэхэд нь

<sup>37</sup>Тэр -Сайн үрийг таригч нь Хүний Хүү, <sup>38</sup>талбай нь дэлхий, сайн үрүүд нь хаанчлалын хөвгүүд, зэрлэг өвсний үрүүд нь хорон нэгний хөвгүүд, <sup>39</sup>тэдгээрийг тарьсан дайсан нь диавол, ургац хураах цаг нь энэ үеийн төгсгөл, тариа хадагсад нь тэнгэр элч нар юм.

<sup>40</sup>Тиймээс зэрлэг өвсийг зулгааж шатаах адил энэ үеийн төгсгөл тийм байх болно. <sup>41</sup>Хүний Хүү тэнгэр элч нараа илгээхэд тэд хамаг бүдрүүлэх саад болоод ёс бусыг үйлдэгч хүмүүсийг Түүний хаанчлалаас гаргаж бөөгнүүлээд <sup>42</sup>талтай зууханд хаяна. Тэнд тэд уйлна, шүдээ хавирна.

<sup>43</sup>Тэгэхэд зөвт хүмүүс нь Эцэгийнхээ хаанчлалд нар мэт гийх болно. Сонсох чихтэй нь сонсогтун. ( Матай 13:36-43 АБ 2004)

[ ] Энэхүү зэрлэг өвсний тухай сургаалар Бурхан юуг заадгийг та мэдэх үү?

<sup>31</sup>Есүс өөр сургаалт зүйрлэл айлдруун -Тэнгэрийн хаанчлал бол хүн талбайдаа тарьсан гичийн үртэй төстэй. <sup>32</sup>Энэ нь бусад бүх үрнээс жижигхэн боловч ургахдаа ургамлаас ч илүү томорч, мод болон ургадаг тул тэнгэрийн шувууд ирж,

мөчрүүд дээр нь үүрээ засдаг юм гэлээ. ( Матай 13:31-32 АБ 2004)

[ ] Таньд өөрийн гичийн үрийн өсөлт хөгжилтийн төлөвлөгөө ба өсөлтийн алс хэтийн хараа байна уу?

[ ] Та үүнийг зөв газарт тарьсан уу?

### **15.9 Хөрөнгөний сургаалт зүйрлэл**

<sup>33</sup>Өөр сургаалт зүйрлэлээр -Тэнгэрийн хаанчлал бол гурван хэмжүүр гурилыг бүхэлд нь исгэхээр нэгэн эмэгтэйн хийсэн хөрөнгөтэй төстэй гэж Есүс хэлэв. ( Матай 13:33 АБ 2004)

### **15.10 Их Үнэ цэнэтэй Сувдны тухай үлгэр**

<sup>45</sup>Бас тэнгэрийн хаанчлал бол сайн сувд хайгч худалдаачинтай адил юм. <sup>46</sup>Их үнэтэй ширхэг сувдыг олоод, тэр явж, өөрт байсан бүхнээ зарж түүнийг авна. <sup>46</sup>Их үнэтэй ширхэг сувдыг олоод, тэр явж, өөрт байсан бүхнээ зарж түүнийг авна. ( Матай 13:45-46 АБ 2004)

[ ] Та нар ямар учраас шаргуу ажиллаж байгаагаа мэдэх үү?

### **15.11 Загасны торны сургаалт зүйрлэл**

<sup>47</sup>Мөн тэнгэрийн хаанчлал бол төрөл бүрийн загас барихаар тэнгист хаясан загасны асар том тортой адил юм. <sup>48</sup>Тор дүүрмэгц, тэд түүнийг эрэг дээр татаж гаргаад, сайн загасыг нь саванд хийн, харин мууг нь хаяна.

<sup>49</sup>Энэ үеийн төгсгөл ч мөн ийм байх болно. Тэнгэр элч нар ирж, зөвт хүмүүсийн дундаас муу хүмүүсийг ялгаж, <sup>50</sup>тэднийг галтай зууханд хаяна. Тэнд тэд уйлж, шүдээ хавирах болно. <sup>51</sup>Та нар энэ бүхнийг ойлгов уу? гэхэд, тэд Түүнд -Тийм ээ гэв. ( Матай 13:47-51 АБ 2004)

[ ] Та тороо ашиглаж байна уу?

### **15.12 Тэд Түүнд "Тийм ээ, Эзэн" гэж хэлэв.**

<sup>52</sup>Тэгтэл Есүс тэдэнд -Иймээс тэнгэрийн хаанчлалын шавь болсон хуулийн багш бүхэн эрдэнэсийн сангаасаа хуучныг

болон шинийг гаргах өрхийн тэргүүлэгчтэй адил юм гэв. (Матай 13:52 АБ 2004)

[ ] Шинэ ба хуучныг хэрхэн ялгахаа та мэдэх үү?

[ ] Таны шинэ ба хуучин эрдэнэс юу болохыг та мэдэх үү?